

四庫全書

集部

欽定四庫全書

集部
紫山大全集卷一

詳校官中書臣孫球

侍讀臣孫球覆勘

謄錄監生臣陳廷璋

欽定四庫全書

集部五

提要

別集類四

元

紫山大全集二十六卷

臣等謹案紫山大全集二十六卷元胡祇遘撰祇遘磁州武安人元史本傳載其字曰紹開然今民將在祇遘乃文考紹聞衣德言實周書康誥之文核其名義疑紹開當作紹聞元史乃傳刻之訛也中統初張文謙宣撫大

名辟祇通為員外郎後官至江南浙西道提
刑按察使延祐五年追贈禮部尚書謚文靖
是集為其子太常博士持所編前有其門人
翰林學士承旨劉賡序稱原本六十七卷歲
久散佚今據永樂大典所載裒合成編釐為
賦詩餘七卷文十二卷雜著四卷語錄二卷
其間雜著一類祇通一生所學具見於斯然
體例最為冗瑣有似隨筆劄記者有似短章

小品者有似莅官條約者有似公移案牘者
層見錯出殆不可名以一格考賈誼新書皆
以所作治安策及言事諸疏割裂顛倒各自
為章別標篇目說者以為平時記錄之稿其
後聯綴成篇而上之祇適是集或亦是例歟
史稱其官右司員外郎時以論事忤姦相阿
哈瑪案阿哈瑪原作
阿合馬今改正外遷太原路治中提舉
鐵冶欲以歲賦不辦責之及其莅職乃以最

聞官荆湖北道宣慰副使時辨誣告不軌之
獄官濟寧路總管時摩畫軍政八事並修明
學校之法又稱其所至皆抑豪右扶寡弱敦
教化厲士風蓋以吏材名一時而無一語及其
文章今觀其集大抵學問出於宋儒以篤實
為宗而務求明體達用不屑為空虛之談詩
文自抒胸臆無所依仿亦無所雕飾惟以理明
詞達為主元代詞人往往以風華相尚得茲布

帛菽粟之文亦未始非中流一柱矣惟編錄之時意取繁富遂多收應俗之作頗為冗雜甚至如黃氏詩卷序優伶趙文益詩序贈宋氏序諸篇以闡明道學之人作媒狎倡優之語其為白璧之瑕有不止蕭統之譏陶潛者以原本所有姑仍其舊錄之而附糾其謬於此亦足為操觚之炯戒也乾隆四十六年九

月恭校上

總纂官臣紀昀臣陸錫熊臣孫士毅

總校官臣陸費墀

紫山大全集原序

文章以氣為主其為氣也至大至剛以直養而無害則塞乎天地之間廣讀紫山胡公文集見之矣紫山公自號也諱祗適字紹開磁之武安人大父嵩泰和名臣考德珪正大四年進士儒林郎主耀州富平簿北渡後公未及冠便能從諸生習為程文非所好也潛心伊洛之學慨然以斯文為己任一時名卿士大夫咸器重之中統龍飛銳於求治張左丞文謙宣撫大名辟公員外郎

入為中書省詳定官至元改元詔立學士院以應奉翰林文字被召俄兼太常博士百年墜典一朝而復天下翕然稱之以為禮樂文物盡在是矣中書以公優於為政輟充戶部員外郎尋轉省左右司直言正色無所顧忌重忤相臣意出為太原治中外示優容內實中傷之會改河東提刑副大使而罷省幕同僚有驟至執政者終銜之江南下調荆南宣撫副使十九年權奸事敗庶政一新掄選牧守授濟寧總管考課為天下最擢山東

憲使齊魯風俗為之一變就拜翰林學士不赴又明年
提按淞西平江稅司邏卒恐嚇市民賊露公決遣之行
省頗有違言即輕舟還相下築讀易堂以居若將終身
焉二十九年制詔以耆儒碩德徵凡十人公在第一辭
以疾不起時年甫耳順矣卒年六十又七書法妙一世
脫去翰墨蹊逕自成一家唯鹿庵紫山兩公而已平生
著述易解三卷老子解一卷詩文號紫山集者六十七
卷公薨二十年賡以事道過彰德其子太常博士持將

銀梓以壽其傳懇以序引為請賡以不敏辭迨四三年而請益堅嗚呼賡嘗師事鹿庵先生得告還東平前諸生謂公曰敢以是數後進累吾紹開且命之羅拜公避之鹿庵良久曰以師友之間待乎公遂諾焉賡才力謏薄獲與搢紳之列殘膏剩馥得公沾丐者多矣此意豈可忘哉公之出處行已大方有野齋秋澗所撰神道碑祠堂記在感念疇昔非敢以為序也姑述其梗槩云爾
延祐二年重九日翰林學士承旨榮祿大夫知制誥兼修

國史門生劉賡序

欽定四庫全書

紫山大全集卷一

元 胡祇遹 撰

賦

孔子手植檜儒冠賦

昔余年之總髮兮恭承先生之嚴命冠汝字汝兮母墜
汝祖曾高之家慶不弁以武冠儒服儒兮敬之哉終此
身於仁義中正蹈道之士克之則賢庶幾要歸乎大而
化之之聖荏苒於茲四十年餘種種乎素髮之垂頸吁

噦長嗟立德立功負我先君之志今日慚忤乎臨鏡旦
旦理髮整冠以自警兮追訓言于無聲之聽慎爾話言
敬爾威儀矧承時之人許身以從政德不稱服兮何異
乎犬羊其質而被虎文之炳赫赫師尹民具爾瞻兮一
貌一容尤不可以不整羣目所視衆手所指兮持身於
日恭而日敬今晨何晨有容叩門袖木寸餘曰此孔子
之手植櫨也千五百年貯雲含霧而雪霜莫能悴也物
各有數火於貞祐之兵鬼神莫得而衛也灰冶燼飛蟠

根九地發土得之堅若金石真可寶而不可棄也嗅
聖手之澤香潤襲人斷而為冠是可戴而不忍佩也
一簪華髮萬古清風殷之弁周之冕邈乎其不可類
也貂蟬惠文進賢白編卒然遇之恐退縮而失其貴
也三沐三薰潔我衰鬢悚乎若聖手之遺也希聖之
德辱神之惠振塵而增嘆喟焉亂曰首可飾兮髮可
理兮心難乎其無愧兮勿徒矜莊於外而廢弛於內
兮毋狀類古人而黽勉以隨世兮毋盜跖其躬而掩

宣尼之袂兮岌岌我高自標置為欲所驅而沁沁
覩覩低頭服膺卑屈於利兮冠不汝誤汝無為冠之
累兮

五言古詩

擬古

矯矯千里龍舉足踏空濶脫人於險艱四海不難越安
能陪駑駘從人求莖秣墮地為丈夫造物不吾薄安忍
自暴棄黽勉同瑣屑隨世覓溫飽呵手懼冰雪百年何

足榮萬古名不滅

古意

俗儒束名教促縮如寒龜奚知樂道趣強勉軒鬚眉短
褐不掩脛破甑不療饑朝誦夷齊言暮取顏氏師妻子
雖嗷嗷敢履非義機不見竊國侯壽考厭輕肥

懷古

一受其成形便為氣數拘冬龍與夜螢潛飛時自殊小
智昧安命瑣瑣談賢愚三仁值殷衰一身不自濡漢興

貴公卿胥吏雜屠沽後世看成敗美譽歸亨衢嘖嘖史
臣語烈烈雄丈夫萬事盡偶耳百慮良區區春和散膏
澤賤草皆敷腴秋芳結寒霜幽蘭例彫枯適來勿軒軒
適去毋吁吁皇皇東魯聖歲晚賦歸歟

前題

蛟龍布雷雨蚊蚋競腥羶君子與小人志趣天壤懸苟
無東魯聖孰識簞瓢賢智者憂其貧愚者嗤不前豈知
回也心不在爵祿邊誠欲富且貴執御仍執鞭枉尋而

尺直未冠乘華軒
舜飯糗茹草若將終身焉
不遇陶唐君
佳哉厯山田
前聖與後聖
百世同一天
曾點豈狂者
詠歸忘華顛

讀書有感

古人不可留
遺言在糟粕
誦言欲求心
遐想亦綿邈
注釋萬千蹊
適從欲疇托
十行誇一目
對卷已紛錯
孜孜一書奴
記誦務該博
衆來諮至理
有舌莫捫縛
書生亦良苦
深念墮冥漠
頭白眼昏花
庶隅伴寒薄
壯哉班定

遠投筆開寥廓西域四萬里俊功超衛霍笳鼓歸京師
弔死殊不惡

讀易掩卷靜坐有感

狂陽氣漸衰利欲心已釋閉關得靜坐怡然有餘適眼
明觀萬變氣機不少息智愚賢不肖孰得竟孰失氣數
苟未盡善惡紛鬪敵蟻穴劉項兵蝸角蠻觸國風霜十
月交萬動入冥寂人生百年間如白駒過隙窮通互有
命安用相創戰胡椒豈須多厚積八百石

讀書有感

余生墮習氣老眼尚愛書開卷初明了久視成模糊下
欲窮至今上欲窺唐虞下上數千年治亂牛毛如孰是
與孰非錯亂雜紫朱欲辨誰與語撫卷增長吁讀書求
悅心自笑乃爾愚請觀大地形脉絡各異區中原多平
田要荒因崎嶇匹夫耜百畝四海多荒蕪

讀書有感二首

人誰不看書看書多不細看書誰不細了不得滋味既

讀聖賢書當見聖賢意凡聖本同心氣稟或明昧讀書
既開悟勿為人欲蔽既習而又習致力復致力初不無
勉強久久自順遂欲罷反不能於何勞智慧

朝野有新言例自比狶狗斯言固卑猥情實不誑口啜
訶何足羞弄侮不知醜見食還復來捶撻暫趨走人生
至于斯百惡無不有斯人亦居官政法誰與守

讀論語自警

人心本無病致病皆人為私欲生百疾聖人乃良醫用

藥各對證疾去心融怡君卿大夫士周網斷維持奢僭
至傾奪習熟不為非禮樂存虛文虛文亦崩墮刑政遺
餘迹餘迹亦陵夷一時為學人良心陷昏迷受業七十
子氣稟各不齊聖眼如日月照見毛髮疵隨問隨答應
滿意飽載歸論語書一編我將類町畦各人言行下病
藥兩相隨一一反自省有無此欠虧一言即一藥服之
有餘師

讀汲黯衛青傳有感而作

整冠見汲黯踞廁呼衛青敬侮固雲泥用舍誰重輕一
死淮陽守一握百萬兵起塚象祁連至今與雲平嚴憚
日踈遠玩狎日尊榮所以卑隸流長作貴公卿世無魯
仲連世無嚴子陵天壤一蠅蟻萬古爭羶腥

題惠崇蘆鴈圖

六翼已水濱孤鴻下寒雲念羣與得侶伸頸聲相聞禽
鳥有此樂賢者會以文我無如川酒滿堂會嘉賓我無
及人德孤陋常寡鄰卷中題詩客十九餘交親宦遊各

分散不得偕晨昏何時一聚首拂拭襟裾塵道義共講
劇文詞同細論燦若德星聚謨謀奉嚴宸

題王晉卿扇

舉世附炎熱此心獨虛涼隔離雲日赤障盡泥沙黃得
手方進用避色能退藏清風萬萬古愈久得彌彰

漁樵圖

何代無巢許混跡樵漁間君臣非唐虞明照不容姦公
論一脫口萬古垂不刊吁嗟肉食人例以愚夫看真偽

金少子人言
卷一
若白黑潛隱良為難所以戒慎獨機心即天關畫師豈
無意庶幾消凶頑無聲董狐筆見者宜汗顏

題韓氏異花記後

居室出善言千里即相應擴推惻隱心草木被仁政神
鑑良昭昭聯翩生瑞慶天葩出鳳雛五彩相輝映苟非
積實德此福何來並恨無瓊瑰辭洋洋入歌詠刻石大
伍山千載去思頌

讀莊子

蒙莊談自然未必皆背道靜中見天機安肯同世好紛
紛知與才私欲助貪躁九敗博一成暗墮山鬼笑區區
是非言萬蟬同一噪禍福定誰司一一冀酬報寓言豈
無情但恐傷名教

至元癸未秋八月二十有一日書陶詩數首至
羲農去我久一篇寄懷於言

人皆歎衰老我老起歡心自從嗜欲淺頗覺天機深抱
我天爵貴浮榮不能淫琅琅聖言外羣蟲費秋吟百年

難處事一朝失嶽岑耳目願遲衰中和盈我襟少倦即掩卷有酒時自斟

衰老少睡眠未晨即坐起僮僕誠多倦我心私自喜壯年嗜欲昏日出夢方美回思昔日歡一一盡堪恥立德與立言重任失行已亦隨市井兜車馬紅塵裏醉生或夢死趨向何庸鄙已往不可追來者猶可悔五十七年非今許能一洗

讀陶詩因以自戒

東坡晚流寓始喜讀陶詩使君未失志陶亦田父辭趣
向苟乖隔好惡等焚絲在公猶未免何訝輕薄免冥心
味前言勿易生瑕疵

公退靜坐讀陶詩有感而作

仕宦二十年脩然一寒士公退飽蔬食琴書伴幽思軒
軒同學友笑我懦無志富貴豈無心得失良有自流芳
與遺臭二者非吾事已愧抱關人吏部知名字

冬二十七日翰苑東齋讀韋蘇州詩有感而作

賦分嗜讀書已與清苦隣况復學吟詠安能登要津終
歲文字間矻矻勞君心幽懷祇自知究竟誰見聞西風
歲暮白髮日益新寸心不自降尚負知經綸泛寒鬻
絺綌東轅日求秦片言獲金印英哉當路人

郭西種稻

種稻踰千區鋤薶亦草草今年大有年穗實頗堅好僮
僕笑有言蔬食長不飽黃腴含玉粒慰我色枯槁安知
乃翁心朝飢何足道得米可十斛急送酒家保

題劉永年卧虎圖

視想得虎神以神寫虎真卧虎不盈尺雄威來逼人盤
伏若有待怒虎屈不伸爪鐵剛裂石目電光射雲含嘯
風已烈炳炳五色文熊兕莫敢越磨礱遠崩奔萬弩不
可恐一飽奚足論惟獸亦多類天獨厚汝身弱肉恣強
食猛暴無四隣可憐書生癡每羨麟趾仁奮鬣振庸懦
立髮衝冠中想像劉永年厭處菜食貧宣化愛茲畫藏
作御府珍弗慮如虎變委靡花月塵坐擁百萬師囚死

遼海濱我言亦已竟觸物感歎新萬乘失其威化作草莽臣

息軒畫馬圖

息軒高妙人寫馬入神駿世豈無畫師下筆落駕鈍始知人品凡百業不易進前後三青驄連錢玉花潤卓然見天骨千里煩一瞬行行二奚官丰姿脫塵坌清曉出天廐人馬兩閒順息軒名士夫早歲馳令聞清時了功名游戲發奇蘊嗣孫今復賢羣處見清峻風流慕前修

英氣能自振愛畫豈徒為洗眼看飛奮

觀書既久目力稍弱作詩以自礪

讀書悅我心既久即傷目惜目廢觀書靈源復蒙固損
益互相攻取舍無定路閉帙儼若思勇斷旋自悞司命
人孰無視物隔塵霧矯虞成聖業豈以重瞳故不為五
色育閑理非所慮古人見天道安在窺牖戶撥去非禮
視三冬文史富心目自雙清寒月洗秋露

至元五年五月望積雨新霽涼月初上玉堂獨

步

久雨忽開霽莫涼如新秋青天出佳月清光欲馳流脩
然坐空庭恍若崑閬游清風散華髮欲寐還少留人生
貴適意此外將何求世味吾豈無但恐貽心憂一觴聊
自娛安用百尺樓

五月十五日夜半急雨喜而不寐

人為口體累念慮千萬端秋陰懼霖潦春陽憂旱乾此
生百年內日日不遑安風雨得調順造物何常慳吾聞

名教言和為邪所干每每致災沴天心豈凶殘今春久
未雨風霾凝陰寒一雨忽連夜霖霖聲未闌豈惟農里
喜市井皆歡顏我無澤物功愧赧兼憂患米價日騰湧
逋民何當還一雨靜羣氛麥浪雲濤翻豐歲信可必穀
帛如丘山

處暑

丁亥暑酷倍常年首
尾五十日戊子復然

六氣順當受炎蒸大苛苦端如遇酷吏誣罔恣凌侮無
罪心鬱煩無慚汗如雨織羅不可逃憤悶誰與語今晨

復何晨西風過庭宇洗眼視歷書殘暑當退處周興來
俊臣貶竄穴火鼠四海一歡慶清涼按環堵羣蠅與蚊
蚋斂翼埋糞土六合共澄清西成積場圃

酷暑不可禁因有此作

南維無秋冬祝融復當政炎炎赫其威火官悉奔命金
石欲流鑠草木難遂性飛走藏陰崖萬生如坐甑酷惡
讞獄吏薰灼百毒併鑒我赤壁兵沸江焉敢湏日車何
遲遲盼午不得正四時各有序不代蓐收令扇搖腕將

脫微颺終不競恨無清風手一掃火雲淨喘汗何時蘇
持心以靜勝

酷暑懷趙禹卿

今年暑氣盛殘庚尚炎溽簿書坐官府汗髮若新沐
未方退食浹背濕裳服歸來僦舍底鄰溷連炊突開軒
厭臭穢閉戶困蒸燠燕山得秋早歲律異昔宿司天屬
相火朱明助餘毒東郊有高士世網不可束深林蔭幽
居清飈散疎竹飽食滿籬落未忝過墻屋披襟遐觀臺

曳杖清池曲秋水了一篇負手行詠讀肯雜奔競兒青
泥淤馬腹人生眠食爾勞苦不自足相招許相過斯言
會當復借君北臺風脩然醒毛骨

雨霽客至

暑雨逾三日曉霽猶蒸濕有客自外來泥濘沒馬跡羨
我居優輕虛堂對書帙王事有期程誰能免行役我喜
笑不答粗得稽古力帝祐得豐年勞逸俱莫恤農家築
場圃禾黍如山積

後六月晦旬休雨中不出

立功既不遂立言誰汝嗔飽食嗜晝寢甘為蓬蒿人西
家學苦空願與冥鬼隣東家學長生奄忽散飛塵人生
苟齟齬當作草莽臣著書垂後世名與日月新安能隨
俗吏黽勉擁朝紳

題史右丞瑞鶴圖

四朝社稷臣開府忠武公將相五十年民無能名功嗣
侯光前業天稟何貞忠平南笳鼓歸退然房刀弓君恩

無可報盟濯居齋宮聖壽祝萬年不懈茲益恭孰謂九天高至誠能感通雙鶴何許來下壇舞翻風如受香火供如示介社容回翔久乃去白日流晴空明朝日將午羣鶴踵前蹤三日還復來享答醮事終萬目快前覩嘉慶四海同忠孝獲異應福祿宜豐隆恨無瑰瑋辭揄揚付歌工激勵臣子心一一懷丹表畫圖刻貞石永永傳無窮

立秋後八日夜雨

秋風撼庭樹秋雨滴寒更繁音雜清響百種候蟲鳴少
時喜良夜惟恐東方明老懷縈客思望望日東升清霜
已滿鏡何地容復生衰老亦常理百志良未成攬衣坐
無寐長歌發商聲

八月二十秋旱民憂麥晚至汶上得雨沾足終
日達夜

時哉八月雨種麥倍常年謬當勸農責踴躍喜不眠年
來米麥價絕食厨無烟三年九年蓄此事誰復言卒歲

脫餓殍不勝謝昊天山東百餘城德澤我承宣一雨解
民憂執綏愧華軒

苦雨嘆

時八月二十五日雨
至二十九日未霽

不雨夏無麥久雨傷秋禾六氣良難調水旱何恒多霖
霑五晝夜陸地成江河早穀未登場穗黑芽成科晚稼
僅秀實坐視飽魚鼈九月迫霜寒麥地犁未過民生食
為命艱苦百禍羅無術驅風伯開雲變晴和收拾腐敗
粒起殍免札瘥又念官倉空無輸將奈何

至元五年九月五日曉步翰苑蔬圃感懷而作
人生百年間短景一彈指不能為名臣便當作高士胡
為逐流俗汲汲懼寒餒我年未半百白髮已垂耳怙恃
久已失捧檄為誰喜諸子俟成立素食實中恥何當遂
野逸杖履求園綺

慶蓋元甫生子

元甫生子西溪相公命名立說辭旨詳盡不可以贅
不肖以老友歡慶之情不能已謹以數韻賀

此身來何遙開物以為宗相續幾何年得父母遺躬上
以承無筭下以傳無窮繼繼永不絕直與天地終宗廟
鬼不餒門闌藹春風人道莫比重萬金等萬蓬所以慶
門瑞喜見蘭玉叢今日復何日歡聲動晨鐘親友塞閭
巷羔酒纏新紅盖侯年半百蓬矢懸桑弓我喜不能寐
奚啻他人同作詩代贊祝載酒壽媪翁善人自有後一
彪勝羣熊啼聲氣吞牛壽福溢兩瞳明年學言立指揮
走諸公再觀叢堂上瑞氣如彩虹買書須五車升戶上

高崇

應命趙畫索詩

丹青雖細藝能者皆高人請看宣和譜品分能妙神風
雲湖海士廟堂名節臣胸次同造化慘淡入經營天地
生萬物我筆能奪真凜凜冰雪冬熙熙花柳春嘗觀蓮
社圖真宰差凡塵世無王黃華清論不復聞銅臺趙濟
之索言期世珍筆跡我未見詩卷何輪囷許與多名士
定如詩什新古人家數中當與誰等倫鄙俚敢靳惜酬

報當殷勤寄我數十幅黃華我比鄰

秋夜孤坐

露冷寒蟲號熒熒燈未熄心清坐不眠耿耿獨長夜
月如見憐徘徊巧相射我豈枯寂人孤衾一寒舍庸
駑固何為壯志未凋謝荏苒文字中虛語非所藉豈
無匡君術誰復吟茶蔗所喜遭清時上箸不可借

晚涼登北城據胡床孤坐而作

卧病復困暑扶杖登荒城素月流清光木末涼風生陂

塘水正滿稻秧插青青田家暮來歸籬落烟光明牛犁
雜鷄犬兒女歡呼聲人生眠食耳何苦厭藜羹列鼎不
復得有道不能行去家二千里南來困炎蒸依依東北
望飛去故園情

游孤峯山

望望孤峯山拔絕峯巒起思賢欲一到踴躍忘委靡土
人尚緣襲有廟荒山裏升堂出雲端下深墮地底有馬
不可乘便穩資杖履數步一止歇吁喘不能已松風散

煙霧清眺亦可喜畏塗臨絕壁因怯汗如洗將行乃爾
勞跋涉胡可擬書生例孱懦炕坐翻故紙緬懷班定遠
暫舫西海水

薛稷鶴賈參議家藏

野鶴視衆禽昂昂高閑姿薛公得趣深落筆形似之飄
蕭散疎林喜受涼風吹雙雙窺魚鷺淡然立朝飢人生
雜鷄鶩一食良凡卑安得挾扶去越海求安期

屏圍畫花鳥美麗助奢淫高堂何深邃獨寫九臯禽昂

藏看孤潔相對開英襟十二白羽翮九萬青雲心想當
市購時不惜傾千金祇應涼月夕落枕聞清音

薛公工畫鶴精巧無纖瑕細染頂腦朱掌中調丹砂疎
分羽絲雪膠粉洗復加冥心成老鶴肝腑蒸烟霞胡為
功名際靜躁雲泥差

常喜黃居寀妙絕寫鵬鷄狐狸偶相值伏竄愁擊搏我
時亦少年不覺指拳握誓當踏青雲當路洗姦惡邇來
不自堅壯志隨年薄每登萊衣堂睠睠霜鱗鶴

衛懿公好鶴華寵使乘軒鶴慘不為樂戰士生怨言賈
侯蓄畫鶴持卷求佳篇詩流喜題詠不盡主人賢所好
良一爾是非何其偏所養非所用國君豈宜然賈侯偶
閒適雅興在林泉一見物寓意寧為物所牽新詩與佳
畫過眼皆蹄筌

題陶令歸來圖

富貴豈不榮憂勞亦多端賤貧固枯槁閒適有餘歡誰
能悅口體不令心思安田園日成趣廬舍亦粗完天爵

足自貴奚必趙孟官盤餐有肴藪兒女復團樂得酒覓
隣叟真率無欺謾徑醉任去留有時遺巾冠笑傲日月
長俯仰天地寬畫師契余心掩卷重開觀他時營別業
但愧雙鬢皤

五月十九日過嶺

燕城望居庸絕壁青挿天行行上北口平田失危顛燕
郊入地底俯見蒼蒼烟北轅天際山高與雲連行行
復行行既至乃坦原一川復一山南望肖深淵登陟六

百里形勢一如前盤盤阨孤嶺峭折一巍然陰陽限南
北祝融淡無權我來屬朱夏衣薄思絮綿上黨天下脊
始知非公言秦中據上流管見乃爾偏北辰天柱高寒
風送攀緣茫茫瞰中夏窈黑墮九泉牛羊散山腰細草
青芊芊草淨下馬憩香軟勝屬氍毹陰崖萬古冰凍老何
頑堅風土變雄勁童稚能控弦土俗入四月竈釜火不
燃鍾乳滿卮卮長飲鯨吸川民淳靜無事金草業所專
上馬視千里迅速能周旋女人善勤勞車服手自全食

淡復功苦何者為妖妍嬰兒奈寒餒有母不求憐家法
永傳守不為風俗遷強猛自天稟搏擊同鷹鷂緬懷會
河戰事往將百年金兵四十萬敗甲遺河壩寒沙埋戰
骨永為蔓草纏區區江漢人孱懦何拳拳退然弗勝衣
坐馬不敢鞭徒死無出鄉出鄉憂食眠憑誰語宋人毋
誇能戍邊王事有期程顧覽難遲延穹廬見張燈收兒
聲呼傳投宿撫州驛驛轡何翩翩

題文湖州墨竹

此君固娟靜變動亦多神蕭然文湖州相對清無塵開
軒罷琴書寫此含風真苦節傲冰雪不受烟雨昏靜香
妬幽獨恥與凡卉隣東坡慎許可屢見詩與文此幅良
得意書名遺後人葉葉如有聲勢欲凌秋旻時無好事
者悅目桃李春斯人不再得蘊素何足珍佳哉兩橫枝
影落蒼梧雲

宿兗州解

方城二十里居民不十家荒涼無肆市何者謂喧譁斷

碑荆棘中歌傾見州衙白晝走狐兔牕戶灌莽遮循例
聚父老勸諭勤桑麻俯首聽誨言口從力不加民時苟
不奪學稼寧有差種樹郭橐駝笑我辭浮誇衆散日已
夕庭槐鬧寒鴉

題閒然子劉大用草蟲圖

草蟲固微物思態紛不同劉侯乘戲墨寫生善形容依
依敗荷枝蕭蕭霜菊簌拳聯寒鷺雨飄搖秋蝶風物物
適其適熙熙生意濃翻嗤造物拙神御匪專攻一一欲

題詠但恐辭源窮可憐畫家手虛費摹勒功絕藝固可嘉纖巧非神雄何時風雨筆雲海隨飛龍

題徐熙草蟲圖

枯枝露蜂房氣脉元通閉嘗觀蜂作室煦煦吐元氣連房含化育衆屑懸一帶行人不敢傍毒螫須急避螻蛄生糞壤欲雨暫游詣皇皇即求穴失土失依庇修角兩紛爭角抵如猛厲元甲不自振時為羣蟻斃蝨斯色尚黃青衣亦同類寡儔不能災辨作兒女戲蜻蜓何輕浮點

水起還墜時於枯棘共竚立張兩翅秋蟬罷弄丸脫殼
鳴得意寒露一朝重閉吻僵仆地雙雙金粉蝶乘風誇
秀麗花陰困午陽賦分亦柔脆烏紅名鬼蝶忽去忽復
至不立釀蜜功竊食羣芳味朱蛭衣朱衣漫不知稱謂
追逐蜻蜓飛衆同矜獨異山蜂容聲惡黃巾曳元袂時
將良馬逐强暴憑臂利徐熙本工畫觀物得情致我言
非佳詩詠物豈無為擾擾區中人一一自標置姦黠侮
庸愚賤貧慙顯貴奄忽百年身身經營望千歲甘為造物

弄抗顏勞智慧出言言濟時立功功盖世升高不能廻
危機不知畏萬物一芻狗掩卷增歎喟

題盧仁美友敬堂

以身視四支支痛身不安四支各相視彼痛我何關有
物毒一支左右互防攔而云不相親此語何凶頑萬類
本一氣況在同胞間詩人詠脊令兄弟當急難風俗日
薄惡手足相摧殘父母宛在堂離析何厚顏不意衰習
餘友敬見一斑誰當發薦章旌表光門闡

省掾王直卿雙親皆八十

天下為子心皆願親壽長怙恃兩無恙孝哉藤州王晨
午具甘旨夏冬問炎涼深愛見婉容養志恐有傷父母
同八十步履偕康強四海知名士輻輳投慶章親心日
悅豫千載未易量十年一拜賀新詩塞高堂徧刻東山
石百世垂清光親壽當幾何東海生麻桑

題謝才卿母八十詩卷

養子望成立三鳳皆青雲事親祈壽考八十健且神慈

孝志兩遂庭草亦歡忻
蔬水不戚戚况復鼎食珍
剪髮有餘樂兒輩今搢紳
藹藹一堂上和氣蒸四隣
贊歎可生福斯言最真淳
清議豈易得看取題詩人

題張夢符廉訪臨淡游三友圖應劉清叔之索
詩也

清叔抱高節歲寒梅竹松
何人解幽意蕭然寓軒翁
汗簡索評題意謂臭味同
適當雨雪天姑射挾兩龍
清艷入神畫定非桃李容
何時逢二妙醉歌松雪中
作詩弔

林逋字字梅花風

題趙大年小景

高堂畫巨壁塗抹費青紅
麤惡映疎濶刺眼增凡庸
趙侯善涵蓄六合盤心胸
合攢峙雄嶽毫髮分林叢
相去不寸許雲山千萬重
夢覺屏倚枕放眼瀛海空
正如米芥粒潛納橫天龍
俗筆漫張大客氣誰為雄

宿東平府廨廨近庫藏巡鈴徹曉夢回枕上有

感而賦

衰老苦夜長卧久不成寐鈴鐸響終宵巡警足嚴脩重
門仍擊柝今古不能廢嗟嗟盜賊心刑威了不畏人生
本定分溫飽豈易遂腸有藜藿充體獲毛褐蔽此外復
何求甘死于不義何當富而教各各安所值無問公與
私外戶皆不閉

宿漁棠

魯南三百里小邑名漁棠緬懷臧哀伯忠諫有耿光理
到誠懇至萬世箴禽荒大字當書紳佩服不可忘惜哉

魯隱公諱疾甘膏育文過稱畧地不知過彌彰先是穆
天子轍迹遍八荒不聞一直言懷古今人傷到今二千
載茲道空茫茫

宿潭口驛

蓬蒿荆棘中茅茨十餘屋驛人敬官長邀迎留止宿酒
薄不堪飲夜暗薪代燭借問少人烟無人來卜築亦匪
逃移多國初殄兵毒休養生息思百年不易復側耳聞
斯言無寐到天旭

登燕城南憶田園有感

臨高瞰流俗擾擾困奔競貴賤雖殊途究竟均害性蟻
穴蜂衙邊大窟稀牢並我本淡蕩人壯齒慙閒靜一官
偶拘縛黽勉雜紛閭鄉夢遶林泉南望徒引頸松篁映
牕戶蘭蓀夾階徑山田卒歲寒教子了家政世事不投
耳心逸身寡病有酒隨量飲作詩以情稱適意于百年
俯仰一從命茲意何當遂霜雪忽滿鏡悠悠下城顛又
墮黃塵穽

郭西卜宅聞嗣子以鄰牆未定有感而作

匹夫爭畝宮羣雄爭四海萬古同一爭奚較細與大聖
人中天立所性良不在樂哉顏子心安有身口害

登歷下文廟郁文堂

科舉誠陋學在我猶餽羊去道固云遠尚有談文章邇
來併是廢人心悉俵俵學校雖粗設虛楹照空廊朔望
香火冷老雨淋歌墻教官窘生理日求餬口糧後學豈
不繁儒名行工商小慧落胥吏愚鄙趨耕桑大黠巧干

祿庸懦老村庠哀風不自振例為饑寒忙天恩本優渥
差稅徵未嘗所乏在勸激遂使賢愚龐人材日凌替聖
學何微茫我豈私同儕所係為時傷州縣四三員字不
辨張王判署尚未聞牧民豈知方養賢道既廢選官路
宜荒共治二千石何處求賢良絃誦杳無聞嗟哉郁文
堂

客荆南三年出入唯一馬近以病死戲作此語
齊景馬千駟愛駒心未盈山谷量牛馬亦有爾朱榮胡

子官南方一馬何零丁
今晨以病殂家僮走嗟驚
呼童前致辭爾心宜少寧
莖秣不苦勞廢眠起寒更
望我官職高裘馬頗肥輕
結駟復連騎揚鸞應和鈴
我豈無是心義命難稱情
杖策謁軍門雲臺儼圖形
騎驢三十載以詩了平生
賦分有厚薄造物持權衡
畜馬與畜德各求千載名
徐步以當車吾亦不徒行

哭挽左丞張公

聖賢不易合千載一相逢
中統開至治皇皇仰羣公
都

俞吁咈間稷契映夔龍相君當是時雅量得中庸獻替
協聖意寤寐懷貞忠薦賢若不及汲引言路通中外杞
梓材盡出培植功養民務速富建策司大農惜無龔黃
守善政莫我從出貳栢臺政庸懦凜生風所用多廉直
簠簋皆飭容晚節佐樞府軍實自披窮年耆志未衰白
髮照丹衷聖情日虛佇嫵媚恩益隆豈期不憖遺遽爾
夢奠凶相君去無憾哀榮全始終一時登龍客忍見門
巷空我非感私惠哀與士民同莫不獲執紼謚不與褒

崇碑墓與志幽有言漫填胸千里聞訃音老我淚橫縱
夢中時通道哭奠若堂封

哭廉相平章

間氣何所寓感之生異人卓越趨向高舉足踏青雲汪
洋器宇濶滄海無涯津一命領方伯再命當大鈞許身
不輕淺要接伊傅隣心為知己盡仰答堯舜君讀書知
聖學不染章句塵執政履王道功利奚足云志不在一
時樹業垂千春愛士慎許可門滿王佐賓譽望星斗重

飲食寒士貧屢空常晏如所念憂飢民深嚴後樂堂寤
寐思經綸濟海橫巨航蘇旱霏甘霖禮樂統刑政咳唾
期一新奮乎百世下再復唐虞淳二豎何許來醫和術
無神沈綿竟不起天意誰能詢生之豈無故奪去良有
因九原不可作慟我淚沾巾我車匪徒出沙路日荆榛



欽定四庫全書

集部

紫山大全集卷三

詳校官中書臣孫球

侍讀臣孫球覆勘

謄錄監生臣嚴續曾

謄錄監生臣俞光豫

欽定四庫全書

紫山大全集卷二

元 胡祇遹 撰

五言古詩

歌風臺

呂政毒四海弔伐良有人斯高蠱胡亥匹夫可亡秦咸
思出湯火誰能舍寬仁所幸遇項籍恃勇私一身三傑
屈羣策五星聚昌辰人天苦兵亂一劍淨風塵歸來過
故家冠蓋雜鄉鄰酒酣唱高歌天日為一新除凶信英

偉惜哉多因循猛士守四方以是了經綸挾書豈佳律
速去誰汝嗔覆車宜改轍羸政胡可遵直紹夏商周建
極明人倫長陵土未乾子死牝鷄晨苟非天祚漢國步
卒艱辛不循湯武軌不新唐虞民自是一再降晉武與
隋文受命創業主處心當憂勤上以答天眷下以翼子
孫勿謂功苟就佚豫撫嚴宸

跋真率會圖

古人重交游文會以輔仁德業日修進分義日情親臨

死生貴賤不改金石真一舉稱管鮑再舉稱朱陳今人
有勢利性行本不倫朝為膠與漆暮為行路人美哉真
率會可使風俗淳鄭國昭溫公德星聚天津藹藹十一
人儀鳳暎祥麟口吐堯舜語衣振周孔塵雍雍庭戶間
四時一陽春洛人何多幸朝暮同鄉鄰想像此一時市
井無頑嚚佳會不可見再拜畫中神

登鳴琴堂故基

吏以身化民民自樂循理善誘無惡言風俗日淳美春

風和氣中周旋樂與禮不大聲以色絃歌而已矣宜乎
聖師言許與稱君子我慙領郡符學道不修己區區終
日間喋喋費唇齒民有不若德未免以鞭撻一時雖面
草中心頑無恥循吏未可攀聖域安敢跂再拜登茲堂
沾衣汗如洗

哀第四子於濟寧官舍

有樂即有哀無哀乃無樂人生非木石憂喜互纏縛所
以漆園翁要使情愛割吾知固勉強此理亦不惡老牛

舐犢慈天性不可削子夏喪其明乃爾自殘虐五十不
知毀父母豈為薄聖教意良深此味宜細嚼我生失子
哀累累不可脫人為與天命疑難誰判鑒要當自消釋
中懷漸空闊

老懷已索寞憂患何相陳十年失三子新婦偕逝傾百
端自解釋不覺淚縱橫聚散固不免數理吾頗明余生
命何薄明滅如風燈得孫近十人天殞皆孩嬰二女亦
成立相繼歸幽冥婢僕十五人飽暖壯且孳得疾即不

救歲歲無安寧小術陰陽家空亡運使令若云禍有緣
罪惡何貫盈報應不可曉哀怨何時平恐此皆偶然幻
化難倚憑跼壽與顏天一一誰秤停喪亡莫悲苦生聚
母過榮老淚不多得任運勿傷生

慶王晉卿僉事母八十

成子賴賢母敝厯貴公卿悅親得純孝坐享五鼎榮母
子本一氣慈孝通神明有感獲明應壽母臻八齡起居
亦強健儀訓尤嘉貞盛事耀閭里美譽飛天廷錫類化

天下簡冊有名馨母執即吾母拜慶舒中情但愧才品
凡偉節難贊銘薦章豈無人史傳當自成母壽益延永
子業益飛騰里門儻旌表願以慈孝名

題雪堂和尚雅集圖

主人學苦空虛左天下士衣冠固不同氣味本相似大
道原于天至性寧有二小智徒自私汝非而我是短白
映長紅萬象皆春氣甘苦齊結實總待西風至高情悟
茲理四海皆兄弟佳客實滿門亦起專酒食性理談天

人游戲到文字三生白蓮社千載修禊事公案又一新
清詩掛名氏不知幾千年而復有茲會所欠龍眠畫風
采發英粹詩像同刻石傳芳流百世方駕晉名流我言
不阿比

租無田

井田不能復限田亦不舉富家連阡陌貧人無畝畝地
稅隨推收控告亦無所賣者歲不除買者積倉庾農人
惜寸田吝惜過兒女忍淚立賣書誰憐此情苦看人耕

且獲鋤耒倚環堵里胥徵秋糧催喚急風雨此冤誰辯
明申部部不許訴天天何高泣地地無語舉家欲奔竄
飢殍因難阻茫茫天壤間何地為樂土

七月望霖雨感懷

客懷本悵鬱更值秋雨淫淫達旦復連夜出門泥淖深目
倦掩書坐簷溜聲浪淋稚子來隨仕孤悶不可禁伴我
如枯禪相對靜沈沈千里故園路一掬他鄉心今晨七
月望佳節世所欽麻穀薦新祭兒女連袂襟遙遙應相

憶念我歲寒侵秋衣尚未寄婦姑勤暮砧豈知長安客
宦情雪盈簪男女願家室獨我如商參積陰天易暝四
壁秋蟲音

石硯屏

有序

至元十一年客太原得石硯屏高不咫廣不尺粗見
文秀如山形樹影以謂不足珍玩置之篋笥又七年
家居無事整緝編簡之散落者復得是石於其中反
復把玩若可愛者然而未敢必其天成人偽也滌去

塵垢平以礪光澤以砥拭而視之涸陰沍寒中雪山
明滅山下老樹根幹而枝樹外山根土坂遠近高下
濃淡位置姿色元氣淋漓溪光掩黯若為寒雲宿霧
蒙幕者文華無面背石皆表裏洞徹噫造物之巧無
不有無不在人見其外而不見其內見其發而不見
其含蓄感而為之詩

嵒塞天壤間名山幾千億神化興雲雨秀潤藏金壁奇
獸雜珍木聖哲不盡識茲石一何異高廣不盈尺天地

與海岳納影無遺跡孕秀幾萬年元氣尚蒸濕乃知造物巧神妙不可測問道何所在糞壤及瓦礫無小大美惡孰能少隔絕人出萬物表胡為自戕賊發我雲漢章明我天地德我心無不有無徒玩茲石

題飛狐王國寶南塘圖楊郎中徵詩故也

人生行樂耳每恨不可必紛紛守錢虜蹙縮死寒乞披圖翫南塘奚啻千金值華屋麗飛甍溪亭疊危石名花雜珍木葱青光照席舉杯桃李陰春晴鶯嚶嚶放舟芟

荷香涼月不虛夕
婆娑溪上影醉袖
天地窄我知主人
心默悟駒過隙子
孫幸能家樂此自
恬適愧無良題評
璀璨悅佳客千里
來徵詩鄙語不容
惜白日戰黃塵脩
然脫羈勒悠悠想
丰姿雲山阻平昔
我詩非奇詩風期
得情實屬君磨南
山大書復深刻異
時過君門洗耳溪
流碧

題閔子祠碑陰

聖門七十子入道
何殊形善誘亦善
學各因其所明柴

愚與參魯一唯豈徒謨賢哉子閔子以孝趨聖庭直差
顏子肩竟以德見稱孟氏具體賢至論豈阿情區區季
氏宰何物來纏縈餘光千萬載炳炳垂日星我來拜祠
下豐碑刻新銘烏王二賢侯為政知重輕坐令此邦人
務本羞徑行大哉堯舜道始於事父兄

前題

古人嚴事神報効勲與德叔世僥倖心安為禍福惑祀
典久衰訛淫祠委叢立詭怪雜凶妖巫覡增蠻貊西鄉

簫鼓喧東社羊豕集有司不知禁敬奉翻踖踏坐視賢
聖祠風雨摧破壁我登閔子堂拜拊三嘆息厯人知敬
公于公定何乞悠然汶上行不忍汙僭賊親踈無間言
至行貽世則二善能做公厚福非神錫在公何虧增齊
俗粗有識南山細如礪尚作麗牲石

安氏孝義詩卷

孝弟本良能教衰俗乃惡周秦均此民厚薄何寥廓父
子雖同居井竈異爨鑿於斯有人焉內則無愧怍羣鷄

正爭食蕭然見孤鶴門閭獲旌表詩詠滿囊橐携卷來
乞言與善敢他託欲知義利分子孫慎所學庶幾孝義
心永永不衰薄

跋宋徽宗自畫詩意圖展卷執筆微吟深思

作詩本言志而況于大君一日總萬幾安可同騷人識
慮不深遠憂禍從厥身琅琅勅天歌萬古宜書紳

題王侍郎子字說詩卷并序

近世父名子師名弟多誇美而少戒勵以致子弟驕

矜自得不知其職遇長者父執則昂然與之並行事
官長則侵忽陵犯此固稟賦氣質之偏亦為父為師
者姑息許與太過耳今觀提刑王公為侍郎王公之
子命名立氏之說其高於流俗遠矣蓋亦熟知其父
教以義方所以求名之意云

成子良有道取友宜慎明為善與為惡皆是朋從生庭
訓固諄切出門孰偕行一暴而十寒良苗豈能榮玉侯
作字說照見叔世情要助義方教反覆何丁寧我詩贈

元益此語宜服膺謝絕奢淫子結交皆老成日見所未見日聆所未聆才學愈增廣器業自堅凝幸為名父子有善易飛聲世胄門第高舉足趨天庭不為賢牧守定作貴公卿

題田經歷夢諸葛武侯詩卷

一心生萬慮善惡影響從琅琅夜氣說萬世同禹功人為氣血後百年昏寐中夢中復說夢自盲還自聾殷中夢傳說孔子夢周公吉人常夢吉凶人多夢凶吉凶果

孰召此理詎難窮
田子晚知學有惡
能自攻一念或少
差中慙面生紅
出口擇邪言立事
遠邪縱心誠得正
夢若與神仙通
顛沛不由徑要與
正人同

題義商詩卷

為富多不仁
況復市井身
天資苟超邁
薄俗不能塵
利者義之和
憂道不憂貧
人能踐斯言
萬金同一緡
張許二商隱
氣宇高絕倫
臨財能乃爾
汗背讀書人

跋孫尹逐山魘詩卷

五祖治即墨下車逐妖狐縣人以為神祠碑照城隅一
正懼萬邪此理不可誣孫尹亦良吏小魑遠逃遁想像
宰邑日政與常人殊嗟今守土官心術何崎嶇坐為姦
吏謾黽勉同賊污人妖不易治陰邪豈能除判筆孰傳
神幾度鬼揶揄

題理宗書

晉武唐太宗健筆如飛龍一傳至孫子蠕蠢食葉蟲乃
知氣盛衰雲泥迥不同宋自宣政初宸扈人已空南渡

百餘年苟延蟄坯封不聞嘗膽苦尚求書翰工痿弱如
病女弄筆無慚容一時阿諛子裝背錦纏蒙惜無柳公
權拳拳納深忠

祖宗儘神武定亂甲躬擐後嗣何懦孱把筆氣消散蛙
坎吳山宮魚蝦海腥爛北顧豈無事區區學書翰精妙
到鍾王能救將肉袒所得僅如此不滿一發歎我知帝
王書天章燦雲漢隻字落人間神鬼亦嚴憚豈同閒適
人揮洒一銷飯

題解州鹽池詩

人生須五味口體乃充悅甘辛與酸苦不備非所屑惟
茲鹹鹺供有口不可闕我行濱滄野煮海力疲絕中原
腹心地有此大寶澤每當三庚暑風火戰凝結溶溶鴨
頭綠倏忽百里雪聚積千銀山投集不再月瀚海分一
盃歲緒億兆舌隨取復隨平萬古永不竭我謀夫誰從
一二迂濶策黃流通百水一一具舟楫太行開坦途夜
黑見車轍所及無畔限工價隨例撤園池樹帟藏山立

得金帛

跋柳公權帖

文章即情性骨勁柳誠懸心正筆乃正百世欽名言婉
順避顯諫不取訐直愆此幅出居憂哀感心拳拳奚暇
工點畫觀者無求全

讀易堂偶題

大氣舉大地升降三萬里氣出則地落氣入則地起地
落白晝長地起永夜晷呼暖吸生寒氣機自能爾聖人

畫八卦知者世有幾洞見神明德悟悅變化理一陰復
一陽其勢不容已五行而萬物一源分萬委陰處二陽
下巽伏而風靡陽居二陰下雷震安可止陰居二陽上
兌澤不勝喜陽居二陰上止畜不移徙二陽包一陰附
麗火終始二陰藏一陽從盛而為水陰陽互為根中乃
其根抵三陰與三陽父母未生子八卦再交錯萬類無
窮矣

後樂堂為庶相題

憂樂人孰無小大各殊職野夫憂百畝歲宴有餘適皇
皇萬乘相憂虞何時畢禮尊庶僚絕祿厚萬鍾食入朝
覲天光宸宸賜顏色出朝坐廟堂百司候呼叱崇榮既
無倫重負胡可釋四海係安危九朝資柱石所以賢者
心了不事安逸報君寧有身盡瘁猶汲汲一夫不獲所
深夜時自責廷爭宜有言惟恨無百舌惡能同括囊得
計樂緘默大政宜力為朝行不容夕奚為持兩端首尾
生畏戚不憂讒詬傷所恤公論直不求百年安萬世恥

慙德視財惟恐多安忍復豐殖澹然李文靖欄折不加
葺視權惟恐危安忍矜自得儼恪王文正恩不由己出
挺挺一范公立志寡儔匹慨以天下任百姦潛屏息徂
徠良知言直擬夔與稷至今勲業光烜赫奪星日一片
憂國心照耀雲水白我朝賢相君奕世扶王室英姿百
鍊鋼雅量雲夢澤經學造精微義利分白黑宴居蕭然
士漠不見豪習鬻鬻書滿几燦燦琴在壁客來談古今
義理窮得失上虞哀職闕下憂萬民瘠虛堂名後樂舉

目成感激范公心可師異世幸親炙范公才可學烈烈
踵高跡匪同好名人門楣取華飾大勲豈易量熒熒髮
如漆致君唐虞上有志不難必三年登公堂拱默慙侍
席謹掇士論餘作詩聊紀實

冀正甫需軒詩

人挾剛健才見險不能止暴虎而憑河天橫不知悔季
路升堂人竟不得其死昭昭需卦象少忍須臾爾八月
輿梁成亨途日千里

誠悅堂

父母愛其子常憂過與疾孝子知此心慄慄恐失德承
意先志外持身日嚴勅言行兩相顧至善以為職晨昏
問起居親顏有愉色居官服難事父母不戚戚登降誠
悅堂庶幾心自得

題鄆城湯鼎臣汲古齋

人心隨俗移趨向竟污下一聞談古昔愕晚雜譏罵恨
恨不下達鬼域日欺詐知利不知恥犬豕同橈枷倡優

所不愛百辱百凌跨有客携客來從容聽言語喜與端
人交俗語口不掛母壽近百齡溫清日冬夏結茅號汲
古法書映名畫再拜求詩文與潔喜不暇古人誰復言
古轅誰復駕市井得斯人失聲發悲咤

厭氣堂

望氣不經見此理誠有疑日月與燭火小大異光輝大
人虎文炳君子著威儀煮蒿與昭明亦各從興衰四百
年炎漢禎祥豈細微人而欲勝天巧詐真兒嬉周德亦

已滅寧與呂不韋積惡如丘山殺人血成池此身得苟
免僥倖不自知荒臺如廢堞千載未平夷詎罵貽萬世
駐馬一吁嘻

聖人有天下此心了不與天位惡能私萬世獨我據王
氣誰使然乃不畏天怒呂與嬴何親天已開漢祚淫刑
血四海尚可踐天步借問壓勝臺何如姜里庫王者不
可殺徒為速衆怒七廟寒無光獨夫尚驕固子戮國亦
亡何暇自哀悟我詩貽後人永監秦車覆

題鹿庵書

書法立氣韻點畫乃與隸一將誠鷹揚萬卒自精銳後
人學顏書區區較形似問渠曾臆中有此忠義氣假屍
以及魂體同神已異鹿庵氣高邁心畫能勁利追蹤瘞
鶴銘安肯求妍媚世無涪江翁誰人作儕輩已來四十
年書學坐衰廢惟公振英風進道仍進技方蒙提耳訓
冥鴻忽飛逝千里遙相望撫卷增歎喟

安邑尹申子游山圖

申生閔閔子宰邑頗幹局公孫喜閒談不為聲色欲樂
哉游山圖盤礴膝橫竹丈夫當妙齡經濟志宜篤懷才
值明時秋風送飛鵠胡為慕村吏烟霞友麋鹿汝心吾
再思要享知止福凡人居富貴貧賤使可復終勝無恥
人龍鍾竊官粟

題張和卿舒嘯亭

人生作卑官屏氣不敢息趨迎事官長呐呐伺顏色所
以靖節公拂袖辭祿食曳杖東臯上舒嘯天地窄寥寥

千載後何人踵前跡螺山依雲深汶水照天碧詩成一
長噓涼月送佳夕南呼公孫和一杯可用吸

微風引和聲杳渺穿雲逕踈篁搖輕烟醉夢亦甦醒月
明河漢傾空山有人聽

閏五月朔移居遣興

歷徧人間事見徹天地心動靜互摩軋萬物何林林巨
細隨賦稟善惡從陽陰一受其成形有我古到今六合
一傳舍生滅萬浮沉人生百年物行路日駸駸貴賤與

壽夭彼此不相侵分限前我定人心自邪淫強健昇平
日有酒當自斟

八日旬休端居

簿書雜詞訟紛擾無緒端剖決乏明敏昏倦生憂患皇
恩憫疲憊旬日一休閒翛然掩關坐元氣徐生還官事
豈易了旨哉意外言

治郡甫半歲吏民未相信忽驚除書來改拜憲使印憲
司主擊彈不才慙魯鈍貪污在在同寃抑積成空我無

片言敏一一費窮問非道固難欺巧詐不易訊無私自
生明羣邪莫逃遁我心如止水妍醜何勞認我心若權
衡輕重自退進毀譽非所知改過吾不吝

草堂獨坐

飛飛出林鳥曳曳還山雲鳥出固求食雲歸定何心往
還不暫息萬古以至今勞生三十年歸來雪盈簪靜坐
觀萬變造物何長勤

辛巳九日草堂獨坐

佳節豈不多賢者愛茲晨我思古人心發興良有因孤
芳止幽菊陽鳥來自賓過此屬孟冬肅殺非陽春豈徒
徂年悲白髮日益新有酒不暢飲奄忽同一塵千載諸
我友悠悠柴桑人

郭西草堂獨坐

古人事道德今人憂賤貧富貴一朝得患失不顧身身
名兩俱辱種種同一塵余生千載後風期與誰親所幸
愚且拙不獲乘要津緬思淵明賢投紱事耕耘秋穫雖

不足掩關樂天真移竹出高笋種蔬日芳新披襟北窻
風天遠無纖雲悠然一長嘯孰為羲皇人

因反葬還鄉僦舍以居面南山獨坐而作

京塵二十年耳目厭紛競今年遂歸來山城樂深靜十
室九親舊情好足成敬往還無將迎語話絕諛佞舉足
皆坦途不復憂機穽但知平易歡孰羨才華盛人生粗
溫飽安用聞時政緬懷居微官心體交相病窻涵倚天
山門掩綠蘿徑好鳥鳴樹巔似與吟和應心從無事來

西日覺遲暝讀書既少通奚必遠求正一琴靜無絃無
意求人聽移文不須來茲心久已定白髮還故鄉亦豈
要時聘一盃對南山滿引時自慶

王經歷恒齋詩

易經雷風恒象義甚精究六爻五凶羞聖訓豈誣謬恒
德何鮮能不恒自貽咎高齋揭茲名命意亦深厚朝由
仁義行夕惕惟恐後終食不違仁月將而日就常懼名
過實一失不可救靡靡衰薄中得此拔華秀所以天下

士贈詩如輻輳我言何輕重謹讓羣英右乍作而遽息
每每陷茲疾見賢思與齊援筆不自陋

草亭隱几詩

發土築垣墉坎深作蓮池種蔬平凹疊因高為亭基親
友笑荒陋童僕不告疲游觀與栖息我心愜所宜清風
送佳月細水生漣漪茅簷不尋丈坐與浮雲齊

題朱晦庵周易橫圖

伏羲畫八卦萬象已圓明文王八其八注解已丁寧又

恐人不悟繫辭仍定名周公何殷勤每文言庶徵孔子
繼三聖披閱極精誠細疏作十翼廩倒而囊傾所恨王
輔嗣四聖為一經讀之使人迷不見賓主情賢哉子朱
子復還舊畦町探原馮橫圖始終一筆成一陰復一陽
七級得全形首尾皆自然安用口舌爭

退食自責

憂世復憂身無病欲成疾舉杯不歡飲對案不甘食人
皆曰忻忻我獨常戚戚感激一飯惠圖報等深德意氣

一然諾履信不可失十年受國恩舉家不耕織有生俱
皇皇闔門享安佚澤民昔自負不聞一言直論兵嘗自
賢開邊默無策書生例空言素學嘗再習

公退有感

黎明入官府問米鹽細務簿書堆几案過午仍判署王
事有程課日月敢遲悞但恐致踈虞困憊奚足慮退食
例申未有時沾薄暮解巾就舍底塵顏髮垂素飯餘推
枕卧夜短天易曙妻子隔千里八年苦孤寓祿食豈不

榮弱質困馳騫仰慚經濟才萬鈞不勞負談笑天步清
警歎民室富勲名紀太常軒蓋沙堤路華屋艷神仙八
珍不下筯賜予快恩賞誅鋤酬怨怒才命各有分無為
生怨慕

退食靜坐

看書才識弱濟世權分卑人生未中年飽食將何為歲
糜太倉米報効無毫釐偷安固自便謗責將誰歸趨朝
署紙尾公退掩柴扉有舌戒莫捫有心廢深思流光何

足惜永嘆傷明時

四月十一日靜坐

人皆厭閒寂閒寂豈容得散步既少倦澄心坐自息真
氣忽我從心境一融適深局隔囂紛良貴無儔匹開卷
晤賢聖鄙吝悉冰釋雖非羲皇人聊爾免羈勒孰能踏
紅塵蜂蟻同汲汲

偶然感懷

士無憂世心何異燕巢幕突熾幕既焚不救巢離墮廢

不恤其緯所以懼此禍可憐賈長沙痛哭不安卧公卿
盡庸流百口紛沮挫却令主父偃爛額延上座

靜坐有感

人生本無事營營復區區朝為利所誘暮為名所驅畏
途冒馳騁權門妄奔趨惡貧憂不足求富豈有餘天爵
不自貴甘作外物奴所喪如丘山所得無鎰銖下成妻
子禍上連祖宗汙奴顏復婢膝赧汙沾襟裾殘盃與冷
炙何異鋪糟猪天地生萬物厚薄暗乘除與齒即去角

二美不可俱付我以忠信飽我以詩書授受亦已厚粗
不乏所須同胞億兆人凍餒無練襦征戍百萬卒不如
首丘狐余生負何德潭潭府中居有口若瘡痍有目如
盲夫負罪不知愧尚忍貪膏腴有屋庇風雨尚忍求高
閭有馬不徒行尚忍思駟車息心安命分萬慮俱晏如
宸恩同雨露四海皆霑濡諸子粗成立復我瓜田盧

題姜節婦傳

京父之妹
商相作也

羞惡志莫奪貞節以死守此心人孰無可暫不可久失

夫失其天永藥成白首婦道得所安不為名不朽重令
馮瀛王泚穎凝妻手

閒物

人生一何愚精魄常外馳入門嘆貧窶出門慕輕肥神
為事物耗夢逐聲利飛朝遂僥倖志暮愧顛覆悲百事
欲佳美一身不自持此身如舍屋主者當日治此心同
主者有物當依歸屋空主不在屋壞主不知主人定何
適狂醉寢街泥未醒輒復飲老死甘昏迷舍主兩傾散

妖怪相追隨我心非苦空我言豈侏儻作詩聊自警神
志常融怡

題張公佐畫寒江圖

黯慘發凝沍雪壓長江船崇山界天白僵木無春妍萬
物歸閉藏地裂縮愈堅二老何許來醉歸傲冰天公佐
亦奇士徑拍范史肩筆挽玄冥威毛骨生凜然會當六
月火海沸石吐烟燔爍不可解展卷時在前

題顧大夫詩卷

醫工顧良輔持卷來求詩我欲相告教醫非我所知我
欲相稱譽不知難為詞漠然還卷軸佳意不可違農皇
去已久天枉誰傷悲術訛殺天下人命如塵泥豈惟醫
藥子牧民亦如茲我言非詒世顧生宜深思不經三折
肱惡可為良醫

王仲畧之子持卷求詩

仲希能尚友遺山善忘年草聖新樂章子孫宜世傳邇
來風俗薄情以勢利遷漠然見父執手澤隨棄捐仲畧

吾世契有子乃爾賢迄今四十年墨光猶炯然秋澗題
訓辭廣文贈佳篇不鄙賤衰朽千里來乞言乃伯辭理
盡援筆還自憐願言通家好世世金石堅

寓懷

掩關誦醫方無疾不可治出門值微恙羣方坐虛費藥
品非不佳術業亦深邃主人信且誠標本吻相對竟無
一効功斂手默辭退天命固難明人事本不昧君子貴
反身愀然還自愧

自釋

天地亦云大傾缺不平滿可能螻蟻軀一一必所顧挑
燈悲夜長攬鏡驚歲晚古來大名下素志浩千萬未絕
獲麟傷又起思鳳嘆經世愧無能著書復才短身安子
孫賢賤貧從懶散

書生慕黃卷愛玩倦復披蠅頭錄細字兩眼成昏眊苦
心入冥搜綠髮成霜絲塊坐尺椽下握縮同寒龜冬暖
兒號寒年登妻啼飢尚云有真樂老死不為疲立言發

新論聖道是耶非肺肝良苦心僅得招謗譏壯哉班定
遠奮厲投毛錐生前志已酬身後名益馳一篇西域傳
萬古功巍巍我豈牕下人久墮故紙癡立術當慎始既
久不可移利百方易業此語誠良規萬事莫非命慎勿
羞前為

效李屏山狂童怪語

釋老圖冥獄僅能駭庸愚六經語名教才得籠世儒一
有不羈事蹴踏如土苴豈惟禍未及厚福集其軀天心

驕若人鬼神將何如

有感

聖人善明理理有不可必聖人善知變愈變愈無極古
今壽且貴一一誠大德古今賤且貧一一皆鄙質成敗
亦若是附會論得失萬事盡偶耳龜著昧前識區區賈
長沙徒爾長太息祖父躋餘蹤却享五鼎食

前題

馬援因炎瘴還憶少游辭東坡貶海南始愛淵明詩二

賢人中英豈為聲利迷長才良有餘前途忘險巇猛虎
墮陷穿飛龍困沙泥回首青雲鶴不落網罟機載瞻九
霄鳳翱翔覽德輝緬懷四賢心誰是又誰非未就武成
功寧食首陽薇

前題

氣機始一動宇宙不自寧一生復一殺舒慘為枯榮巨
運已不齊萬類何能平未滿五千歲已自差中星日月
屢昏蝕河山亦枯傾乾坤時振裂星妖幾崢嶸較以旬

月間七晦而三晴大變不可數細異奚足驚所以人世
間治少而多兵正氣未少蘇陰邪已憑陵端人杳粟芥
憊惡同陵京弱肉强者食屈直誰汝明均為風化羽燕
雀茹鵬鷹均為水中物魚蝦飽長鯨始知氣運機萬古
一紛爭區區名教言呶呶誰爾聽

天道良好還一一相乘除始焉若太偏了不爭錙銖身
居萬鍾富子孫乏簪裾暮為新豐客朝曳朝堂裾慶者
甫臨門弔者已在閭莫喜無故福禍亦與之俱此身幸

苟免後嗣將何如萬事明對待有目何昏愚自甘造物
戲哀樂良區區就舍不失義禍福非所虞不見有道翁
氣數不可拘不見輕世士語默樂有餘不為外物屈無
往不安舒蛟龍一有嗜豢人能醢殖蟲蛾爾何物宜以
燭焚軀

題楊氏家藏山水橫幅

畫師貴細密格俗失高趣士夫尚簡潔云遠生意具天
際得歸舟微茫見烟樹重崑映幽居雲水自朝暮細路

遶寒山還家人獨去吾鄉富此景未遂風烟屢題詩一
噓嘻把翫洗塵慮

題四皓圖

漢高或罵儒所遇非英偉前星一蕩搖良輩不能止避
逅園綺徒羽翼已成矣始知高皇心未嘗不重士紛紛
瑣屑材一罵已汙齒事定復還山世塵豈能免彼哉魯
兩生固陋竟不起遂令朝廷上永絕二代禮

跋山谷書葉

修辭立其誠下筆無草草尺牘亦細事謹密猶起藁後
人何荒唐萬言一揮掃侈心誇敏捷自謂足妍好閒窻
明眼人咀嚼細論討萬山無寸玉棄擲復誰寶開卷愧
前賢得名何太早

自適

作詩匪求名言情代吟嘯作字非悅人形寫胸中妙辭
筆偶從心美惡忘譏謂人生各有嗜一一豈同調孰無
功名心應時發輝耀自非瑚璉器惡得升廊廟幸茲謬

通籍祿養離屠釣鉉老華自憐還自笑

無人靜掩闕日永如歲年不著牀下履凝然肖枯禪羣
鳥何許來相呼鳴樹顛書帙盈几案閒卷時一眠欠伸
還坐起簾影日西偏安得騎鯨客細詠坐忘篇

題耕讀軒沁州韓君錫之所居也乃子來請詩

遺山諸公先有此作

有田能力食恥學官倉鼠著書澤後世不願隨人語長
松北窻風踈竹南楹雨枕上羲皇人外物皆糞土

自遣

賜也不受命貨殖亦已豐田也樂安分簞瓢恒屢空齋
在聖門下學術已不同莫訝叔世士隨俗論窮通年來
墮游宦年去風轉蓬桂薪米玉地兩見燕雪冬旅進狂
斐辭唧唧吟砌蛩坐看封侯人吐氣翻長虹我豈無口
耳抱膝如瘖聾恥窺端木牆願躡顏氏蹤熱中不可作
長嘯來清風

跋徽宗所書十字文

書翰乃心畫因外以知內義皇畫八卦天地萬象備人
文化天下聖功非進技晉武唐太宗猶足見英氣吁嗟
宣和殿顧影求妍媚日與童蔡流瘦硬誇新製他日韓
州行擲筆始知愧

題惠崇瀟湘煙水圖

惠崇烟霞人蕭散江湖身心與雲水一禽鳥亦相親物我
共閒適萬象同陽春愛畫非畫師模寫造化仁獐猿兩
癡黠相戲復相馴鵝鴨雜鴻鴈游泳全天真汀花迷岸

草茂林連修筠風蒲霜葦外紅蓼畝白蘋物物自榮悴
不知憂斧斤寫生得生意一洗俗筆塵我生亦良苦公
解困冠巾民訟千萬端吏罪如魚鱗訓諭不能息咎箠
慘傷人對畫空自慙何時風俗淳萬類各得所同作太
古民魚鳥亦咸若草木含芳新

偶成

人材應時須用舍奚在己所以掩鼻笑正恐不免耳生
與噲等伍背汗增愧恥螻蟻既墮地未見寒餓死可憐

奔競徒賤辱無不至蹴爾而與之乞人且不視

無題

此心本虛明百欲日昏蔽譬如鏡積塵不復加磨礪愈
遠愈忘反與馬牛無異既無賢父兄學校久亦廢耳目
所見聞侵鬼雜魑魅習熟為當然寧復知慙愧天道如
循環亂極應還治英哉賈長沙太息更流涕可憐漢孝
文苟且承秦弊茲時去古近三代良可繼失時而不為
令人增嘆喟

氣質苟不高百為皆瑣屑趨向日污下逐逐聲利輟年
來省前非改圖當勇決堯舜至周孔八聖吾慕悅立德
與立言汲汲追前烈求心即師友自語自磋切必待文
王興庸懦非英傑松柏一出土便與蓬蒿別已見千尺
姿從渠歲寒雪

五十無所聞固為聖人棄矧余已六旬耳目漸昏瞶雖
逢庸鄙人謂我不足畏壯年不可追知悔當自勵倒行
而逆施斯言何自棄莊敬可日強憤悱通必遂壽考吾

不知力進王良轡

夜行固云差失道苦不遠天明得正途歡喜忘呀喘我
車頗堅完我馬亦強健白日雖過年僕御皆再飯周道
直如矢良辰未晡晚聖域望九闕觀光得吾願

拘以形氣微與天不相似我心即天心人天本無二凡
天之所有我無一不備克去形氣私量包天地外知化
且窮神述事而繼志彌綸復裁成了却大人事

衛青霍去病起身自淫奴所知勤皂隸何者為孫吳一

朝當帝意總節持兵符出塞三十萬入塞三萬餘無人
問二子方畧果何如李廣飛將軍受制於庸愚敗死不
封侯數奇良悲夫

賈誼直英才王道乃素學孝文好無事欲為還齷齪公
卿盡庸愚厭已忌超卓鵬鳥亦知天飛飛入帷幙不遇
庸何傷王道惜冥漠

朝誦論孟辭暮誦六經言臨事毛髮比一一皆差愆此
病果何在不識我之天我天殊不遠性理即真源真源

一淵靜動止合自然泓澄百鍊鏡流行派萬川

去月呼使君今月呼叅卿而我竟為誰側耳隨呼應貴賤不自持甘為世枯榮譬如畫家筆汙潔幾紅青又如築夫幹從人恣沈升人生豈物耳終老無定稱夢寐驚寵辱俯仰徇虛名

稟受作猛虎一飽肉百斤脫殼為秋蟬饜飫風露晨二蟲各有適不知天地仁人出萬物表反自喪其真既美晉楚富復傷顏氏貧物生本不齊安能同一均奪彼以

與此怨尤徒悲辛

顏淵問為邦樊須請學稼同在聖門中人品自高下執一不知人玉石俱同價所以三閭翁寧死不迴駕

胸中富義理肆口能成文區區既問學漫費綴緝勤余生過中年讀書頗有聞物外不眩惑少覺德性尊聖域固云遠循序亦能臻

瞑坐惜眼力絕慮靜靈源四十無所聞安用瞻空言毋貪文字名正坐蠹塵昏咕咕誰汝聞何異蚊雷喧書生

太癡絕甘愛古語謾坐看青雲士龍馬乘高轅秋風墮
木葉蕭蕭走前軒歲序與流水冉冉相馳奔

好事得入手急行能幾多況復墮閒散萬慮成蹉跎惟
余誰作祟搜抉傷天和擾擾靈府間起落如翻波以茲
銷年光寃哉雙鬢皤

近喜蔬食故效淵明形影神相贈之什

木借土為天人以食為壽精粗苟無毒隨遇宜即受臭
竅矜小慧愛惡辯馨臭古本亦多事咀吮分薄厚交為

心主累梗塞不下脰鼻舌誇忠勤百味不易售枯腸殷
雷鳴怨謗生訾詬四體隨怨尤癰瘁如在疚榮衛日枯
澁毛髮復萎瘦心君不自安久乃悟昏謬坐為二子欺
我思一何繆人生各有分萬鍾而一豆庾郎三韭貧何
曾萬錢富夷齊首陽薇漢武上林狩豐約貴安命可知
不可究以爾婦寺忠適足為吾垢

才答命

鐵利成名劒銅良作明鏡受才苟不佳莫致千金聘雖

為愚瞽售究竟乃僥倖識者一過目捉擲蜚壤並見棄
誠當然寶藏諒非正顧我才不才何故為定命

戲問正平求卜有感而作

龜筮問前期前期豈難知只取已去日前期即如茲天
壤一枵瓠百蠹分膏肥萬事亂無緒今古一棼絲小知
良苦辛得失分銖鎰豈知咸偶然才術將何為天公設
權衡低昂竟誰特理有不可窮愈窮心愈迷去日何了
了前途復何疑前非較今是了不爭毫釐高哉靖節公

把菊醉東籬

君復卿契失明作此寄慰

前歲聞吾兄目疾既而又聞日漸昏眊不意竟至幽障以吾兄平日仁靜淡薄不宜致此亦宜順受其正
寄呈鄙語情見乎辭

子夏晚喪明羣友走慰哭不意我良友亦復遭此毒初聞驚痛心憂疑日三卜傳者審不悞老淚寫幽獨作書將拜問書成不忍讀恐傷吾友心置書塵滿幅愚計雲

蔽日不久明當復誰謂歲月深神光不容贖壯志宜自
寬內視炳如燭高情素深靜萬事不掛目鏡心自清昭
受順耆年福

送王文琬北行

騏驎萬里足芻豆非所急志士百年心不在升斗食賈
誼政事書王通太平策忠悃三愛君惻楚重憂國所懼
非饑寒此志竟誰識此生何多幸乞言辱前席良玉宜
三獻兩足不可惜去去持素學青雲展長翮勿為圖一

官巡門不寒乞

腹疾自警

胃廩良有限口貪欲多有多欲無所容養生反招咎邇
來得腹疾諸藥莫愈救自思致疾源禍腹以悅口口悅
媚斯須腹疾係夭壽美味如佞人急拒已喜受所以神禹
心覆盃惡旨酒養小以失大茲言銘不朽

五月十四日晨起自警

壯年懶讀書志與聖人遠炎炎競功利安佚事游衍老

來頗知味精力警衰晚五十三年非自愧足徒踐覆轍
既知改白雪鏡未滿我心固非石堅定不可轉晚節得
聞道往罪庶當免老懷期益壯滄海一蠡淺

雨過路滑蹉跌傷右手自訟自怨而作

老大氣血衰保護不充續胡為致蹉跌顛仆損筋骨腫
痛色青紫百療苦餘毒呻吟三十日面垢廢盥沐緬懷
樂子春下堂忽傷足自怨復自艾不孝那可贖行父母
遺體忘敬自貶辱我今得此罪嘉言才三復從今一言

動敬慎仍約束抑抑衛武公愈老行愈篤弗畏即入畏
聖訓惜虛讀

